



芝山論

九南學傳上

是

和16
1316
9



明和
1316
卷9



芝山南學傳序

堯舜使契為司徒敬敷五教夫有教則
有學也學之為字肇出于商書說命備
于魯論中學之道如何曰學聚問辨存
養克復以進德脩業是也恭瞻我東
都仁惠之澤被于黎元邦家之光有椒
其馨辟靡之教日煥昞芹藻之士方薰



芝山會稿

南學七

陶蓋興國以還有三般學謂京師學關
西學備前州在關西海南學土佐州在海南者也京學
宗惺窩藤公而羅山林先生述之西學
祖中江氏而熊澤氏弘之南學基三省
子而兼山子成之或曰經傳皦如天日
心目未眊輒瞻而識詎必就外傳將焉
用彼相余曰否如汝言則古人奚而為

己為兒夔匕簡友擇師乎諸技藝猶撰
厥術況於道學可不慎所厥適遵哉典
謨詩禮古今無殊而漢專記誦訓詁之
學唐巧綜繪詞章之學宋闡性理經業
之學繫蓋孔孟之正統也程子說性理
也本乎易大傳陸象山說心理也王陽
明攀之此說抵牾矛盾與聖語不合羅

氏既辨焉諸子百家蟬噪蛙鳴各自以
為道吾曹不承先民之餘矩則冥搜不
知焉之噫汝言謬矣今天下之學僉顯然
仰程朱若匡廬之高蒙道化若江海之浸
粵繹元初南州為之魁不可得而蔽也
正保之前南學未成熙列國儒生唯知
讀四書而不知先讀小學立之礎礪唯

知有六經而不知有近思錄為之楷梯
徒顧釋詁詞藻可勉而不覺戒懼慎獨
為要有師長之說授文義而無弟子之
講受是正今而學就本實乃恐我二子
之功居多抑南方風氣柔弱而項羽起
力拔山氣蓋世南蠻賜古而屈平出為
辭賦之宗故間氣不囿風俗之美惡英

才不拘時世之醇澆矧土陽封疆數百里背山面海水皆東南流其度分荆楚之野辰直翼軫之宿氣候與金陵齊乎雖瀛繞島居而地靈人傑何足深怪也但後進者主張自己不讓成勲前烈自泯微於螢爝是以寰區未周誦傳習之所由余竊悼聿撰茲傳顛末裔航其派

而溯濶浴直窮洙泗之源敢匪妄費言辭是此作所以不得已也

元祿辛未冬十二月朔旦

紫芝山清處士序

兼山傳

內集附錄

尾崎氏

岡氏

曾我氏

町氏

以上都十有一人

芝山南學傳下卷目錄

外集所載皆以外國人故別卷名
篇而不混同詳見於條下

長澤傳

山崎傳

飯室傳

正直傳

采川傳

外集附錄

土岐氏

莊田氏

江木氏

三木氏

松田氏

以上都十人

芝山南學傳上卷

內集前篇

此篇攸叙則博採舊記潤色而文之考定而成之到事實乃直書固無所虛飾夸毗復無敢以已意漫貶抑先覺

南村傳

南村氏號梅軒按非髧髮者當有俗稱然今不可考不識何處人竊疑大內家臣防州之產也漂泊周流來客于吉良豫州牧常讀孝經四書間講孫吳魏尊道義淵默躬行為

入冲澹恬靜不羨榮曜咬得菜根篋瓢晏如嘗語宣
 義曰進學有漸毋欲速成唯當循亡不已矣不已則
 遂必有得焉既有得則又不能自己故學而三年無
 間斷則許君必有所得也教學者必以存心謹言篤
 行曰三事為修為之基道雖廣邈其實備已認得為
 已則弗繇貧富而添減弗繇利害而浮沈確乎操定
 是學問之效驗也又作三十六策問籍缺言略不審
 其自柰何矣挽豫州刺史詩曰昊天不憫奪元勳恰
 若妖星阬蜀軍滿自潛然明未滅丹心願染素絲君

事在天文辛亥秋九月後不的知所適平生與使君
 及宣義問答之言詳見于南史

清處士曰余閱國朝史昔有南淵先生出焉
 解釋聖經為王朝儒學中興之唱主千載之
 後南村先生出焉論談道學為南方經業勃
 起之濫觴贊曰南村有梅幽芳絕妍孤立萬
 花之頭上獨步天下之春先

豫牧傳

豫州牧源姓吉良氏字曰宣經在弘岡城在土府西數里為

三郡牧系出於鑠倉將軍賴朝卿弟士佐冠者希義初於
 參州吉良賜朝宿地因以為氏為人溫和聰敏屈義
 從諫文不委靡質不鄙野國郡整理諸士心服學於
 南村梅翁夙夜黽勉以通書義嘗訓其子曰明主有
 四得得已而後得取入得時而後得勝敵智到遠制
 敵故克永保其邦家暗主有四失失時而後失勝敵
 失入而後失自已憚到近忘已則貽戮辱於後昆爾
 其明暗之分不可不辨也乃麾諸士評定法令十數
 件又選軍律載在古記已酉冬深雪夜詣谷將監之

家收謀臣而論大策時天下板蕩故有并吞四州戡
 亂之志辛丑秋九月朔伐秦元國染恙營中而歸以
 其十二日告終歲三十有八武功未成文運中否可
 勝惜哉其最耐錄者至孝慈惠不敢慢人殄物不惑
 如楊震好賢如緇衣真有入君之度

清處士曰宋太祖雪夜幸趙普之第遂定下
 江南之議豫州牧雪夜行谷氏之宅既杖取
 四州之策英雄之心偶然相同其廣狹者地
 也其濟廢者天也縱聖者亦如其天何耶史

南齊書

卷之八

八

論熟鍊太過果斷稍不足乃非

宣義傳

宣義者吉良氏也稱右近為宣經之從弟君臣顯做
 誠猶良朋俛亡而切磋情意歡協猶舟楫水魚之相
 資為人本強方正足為士之儀表好學多才嘉謀善
 算見於史冊宣經既逝世子宣直襲封不類先考之
 德嗜禪空耽閑散而不能勤勵政事嘗欲雞髮緇衲
 以持戒宣義諫曰平相國北條家為侵跋虐悖逆之
 罪怖天之照臨怕神之降監欲憑佛護以禳殃禳災

是躔蕭衍劉裕之蹟而已今居君位擬沙門便非明
 倫正名之義為誕不韙其事乃止宣義預慮方命而
 圮族懈惰而覆宗日以為憂直諫不休嗣君稍疏小
 臣胡璉譏問曰先君病革時彼勸廢長立幼豈無違
 禮不祥乎其意欲自擅非為國而計也歟口鑠金積
 毀銷骨未遑覈真偽先赫怒責譴刀鋸迫膚鼎釜接
 前宣義將墜不測之淵辭色自几亡既所竄極每晨
 拜先主影永祿壬戌春不食累日竟死然考其顛末
 苟非忠純貞亮乃不能也宣義卒未幾吉良家亦夷

滅敵攻陷虜城時男求馬死之有女既嫁播貞烈之名聞人莫不灑泣也

清處士曰宣義父子之死忠孝兼成一家之風亶千古之赤心不負所學者也在昔蜀相孔明圖恢復而卒於五丈原其子瞻禦寇鬪死於綿竹忠肝與日星耀義氣與金石堅雖以我楠正成父子較之令聞廣譽猶恐難立矧宣義父子爭望同闕官然而忠義之志則應莫彼愧作

蓮池傳

蓮池在京進親實者四州大鎮故羽林秦元親之姪男也領弘岡蓮池之鄉以據吉良之古壘或稱吉良為人直截不回驍雄多力蒙堅秉利亟逞鷹揚電擊之威意挾做大功烈光匕鯢視諸士此時宣義之甥有沙門信西堂性質靈利惺惚聽梅軒之誨竟歸正我道號如淵子善釋孝經論孟以激昂士風好靜坐為內省工夫訓學生曰靜觀本心虛明夜氣湛清而植應事接物之柢又曰古老云言行者立身之基三

思而言九慮而行乃欲其忠信篤敬矣梅軒所謂脩
為之二事也親實信從以盡其術同志之士岐川玄
蕃一官飛彈長曾我部四字掃部相謀招士夫之氣
槩者數十人結文交立課程日相臻而勸勉訂督秦
君遂尚儒教郭內置黌舍以如淵子忍性豐為師月
中六日士夫雲聚讀書講武學術漸風動宰臣中有
嫉能媚技儕酷拒其誼名以立黨為讐隙不相容焉
時羽林內寵生八公子盛親者老卿久武之妹也天正
丙戌冬秦氏膺台命西征薩州十二月師至豐之後

州涉水挑戰南軍敗績世子信親將而死歿其後儲
嗣未定以次當襲乃為津野公子羽林召諸臣諭立
盛親為嗣親實不肯曰廢嫡兄之賢樹庶孽之劣乃
失禮失計釁却斯萌禍害不可援也本是匪君慮子
賊內潰婦有長舌維厲之階臣敢不奉命玄蕃飛彈
掃部亦以死諍故議竟不決了適值內外之譖懇震
聳不止乃使使賜親實死親實嘆曰伯父君溺西施
之色惑太宰詔之讒而賜吾子昏屬鏤之劍乎嗟乎
微軀不足惜也讒諛今得志忠直罄淪胥社稷幾何

不_レ止不_レ獲_二三歲而秦氏其無遺類與言畢自剄一時
 結契之端士悉伏誅言連殺如淵子吁冤哉親實事
 自貴戚卿士至市童嬰婢無咸不憤怨慘怛賜死在
 天正戊子冬十二月踰羊其靈為祟人民孔怖羽林
 悔愧為建廟號蓮池大明神廟宇鼎新肇裡迄今固
 弭鄉民敬畏之至君高悽愴如在梁上臨櫺間

清處士曰古語曰興王賞諫臣逸王罰之范
 太史曰諫而受賞者與之祥也諫而被殺者
 亡之兆也羽林君明夷剝牀而手剪爪牙截

羽翼自作孽不可追者也書曰無偏無黨王
 道蕩止故君子於人也同和而不比同豈有
 拒人絕惡不相容哉易曰納約自牖故因其
 所明而溫厚明辨者其說多行假饒欲勁攻
 其蔽強致開悟而如其墻壁何也徒勞攘取
 忤而已親實及諸子忠乃忠然而立黨扞格
 攻蔽訐直遂以速禍非所以明哲保身之道
 也左傳伯有為厲子產為之立後使有所歸
 遂不為厲君子謂子產知鬼神之情狀矣蓮

池之祀余未詳其禮暨非禮也夫濫刑橫死者人之所怨神之所恚况茲忠良社稷之賴萬民之望厥憤鬱氣焰詎弗為厲崇也乎按羽林君逝公子盛親立闕原之戰與乎兇賊義旗指西白旄一麾烏合之眾悉鳥散南兵共破秦邑聿故墟山內對州牧底績賜介圭新封土陽乃為滕氏國如淵忍性叟既沒忍性之學友雪溪地名天室叟慶長末元和初誘掖書生砥礪經義故志學輩稍止出於門

下抑三叟

如淵忍性天室雖講聖經不說佛書而未

克脫禪窟歸儒林所以垂列其傳也南村先生之後任我道重天倫者唯宣義而已宣義之後親實在焉及其沒南學將廢有天室續文教則碩果存復生之理空谷足音寔然僅聞不絕如縷聯止綿止至寬永正保中一時英才群興斐然成章谷翁為升堂之先

內集後篇

此篇攸叙亦皆土陽疆內之人外集廼為外

國之人夫以正學萬物兼照之義大道天下
 公共之埋固無內外無人我但賓他邦主鄉
 國則古之道也更欲著誕毓之異同辨時世
 之前後也凡諸儒言行出處偶錄聞見之及
 處無可載籍之致其備云

時中傳

時中姓谷諱素有時中其字也宗慶之子丫角穎悟
 邈焉超儔輒誦數十卷既夾麟兒跨千里鳳雛翔萬
 仞之志到成童日接天空之講席授讀四書詩易古

文唐詩學未得總攝而泛濫老莊百家之間迥躡葱
 嶺之艱險翻浴沂水之清漣家多好書架插萬軸性
 強記博覽過眼不忘故無書而不讀無讀而不諳故
 胸貯雲漢之富筆扛洪鼎之重晚年專務經業精研
 四書適從程朱之訓探索經綸之方三省兼山逮聞
 齋等為心朋為弟子文光刮剗路脉昭晰士未具知
 焉意類之以為一般世儒乃充耳之衺也平生侃直
 剛毅無所諂屈遇權要唯長揖未嘗拜之遺書介直
 名之不以文呼然而交際之道人以為矜誇非烈

丈夫孰能致此哉慶安己丑冬十二月乙卯夜終於
正寢享年五十有二上地避五患葬于瀬戸山配須
賀氏生適子松茂母鞠一男二女各成立矣有詩文
遺稿他日當流布

清處士曰陶潛五男兒終不好紙筆谷慶有
一息幹蠶揚家聲勿謂天運固然姑息不教
父之過詩曰螟蛉有子螺贏負之教誨爾子
式穀似之丹朱商均皆聖帝之子訓導惟嚴
而不肖亦獨何也陶說殆得乎前修曰書以

維持此心不學者馬牛而襟裾然則學之為迪
果可擲乎哉

三省傳

三省姓小倉氏諱克字政義號三省俗稱彌右衛門
其先江州人父政康俗稱勝介任國事多年先生不續父
之職為執政以忠誠聞於郡國篤孝純至愉婉之姿
若奉盈玉居易行坦未曾僥倖自虛喜取眾善人亦
懼陳謀慮故廢事就其疑俸祿千石將加級則辭以
安分為榮也資質節儉衣褐布食蔬糲而泊凋窮血

匱便悉施儲蓄無吝色矣恒語知己曰我性於聲色
 臭味之欲自淺敢之役乎心其為政嚴而愛利以綏
 斯氓為己任誦曰周道如砥其直如矢故罰不避親
 賞不辭讐斷獄用刑最謹盡心曾聞君定制於今死
 刑中擇情輕者而用墨劓刑救死不識幾若干一
 日斷獄罪抵死矣蹟猶出青災可肆赦以罪疑特輕
 之斥諸邦外愴然憫惻曰時寒沍服單恐山路凍餓
 乃為予緇袍酒樽而去其人慷慨曰放送我侵故也
 寧死豈忘那惠耶其慈仁不忽槩此類也又謂屬僚

曰漢文帝詔夫刑至斷支體刻肌膚終身不息何其
 楚痛而不德也其除肉刑雖本出於仁心而後世微
 罪者渾入大辟則為無五刑也仍蒐輯典謨傳記之
 言及獄刑者以說解之欲使群吏曉聖賢立法之公
 平又曰自古聖帝設進善之旗誹謗之木所以通治
 道而來諫者暴秦惡諫而去之下情窒闕肆自顛路
 子產以禮相國鄭人未安其教遊於鄉校以論執政
 然明謂子產曰毀鄉校則止子產曰其所善者吾則
 行之其所惡者吾則改之是吾師也若何毀之仲尼聞

之曰人謂子產不仁吾不信也韓子美之曰維是子
產執政之式維其不遇化止一國今弗必表旗鼓唯
乎心好善猶子產之誠則無民不盡情願而無君不
聞過失也書廳壁曰一命之士苟存心於愛物則於
人必有所濟恒覽心誠焉倣程伯醇慙視民如傷四
字也群僚愛且畏不敢犯憲章識者比之鄭國僑之
德矣父政康嘗告朝將興水利闢田野未成老而歸
休于家先生繼其志而遂之鑿菲山以導水壑鏡野
以為留其後不早乾水溢田遂貢上稅其他建功不

堪枚舉惠廸積善之慶流無涯奕葉蕃昌崇信聖學
沈潛仁義檢身修辭省愆紬得俛焉為惟日不足也
嘗曰其患所謂競一韻之奇爭一字之巧連篇累牘
不出月露之形積案盈箱盡是風雲之狀詎容忽君
子之大道勤彫蟲之小藝乎伊川謂今之治經者亦
歟矣然而買積還珠之蔽入仁皆是經所以載道也
誦其言辭解其訓詁而不及道乃無用之糟粕耳志
學者不可不辨此義也暇日設講筵集士類習慣小
學四書近思錄究五經研易通書啟蒙廣閣三傳五

史通鑑綱目大學衍義十七史等又觀程朱張邵之
書喪祭據文公家禮之儀記曰博聞強識而讓敦善
行而不怠詩曰溫恭朝夕執事有恪先生其人也數
弟子曰學其可知也可行也涵養須用主一窮理以
讀書為要讀書在乎氣而商量莫迂闊莫奇異看來
看去歸著至當之義而已小學近思錄便四子六經
之階梯見得此二書切已隆德鴻業之址頗坯璞焉
又曰伊川以為說書必非古意轉使人薄學者須是
潛心積慮優游自得今日說盡只是教得薄乃手

寫論語課會之說鐫板以資學徒故請業者必自講
而受繩墨隨器大小而心得後循是塗輒為南學之
模型又克騎射克書字海南之板有夙夜箴感興詩皆其墨痕承應甲
午夏執父之喪哀戚煞水漿不入於口數日羸瘦毀
瘠而疾作親故門生駭奔營藥竭術而不小瘳秋七
月癸卯昏易警君長悲傷我寶鑑之銷沈百姓啼泣
如孺子之慕者初度辰在慶長甲辰四月甲申格茲
永訣歷年五十有一越旬葬于五臺山傍島幼學天
室夢中就谷翁正焉其竟以實踐體察自得性命之

源懋啟導蒙士為海南理學之宗詳見兼山暨門人所撰之墓碣行狀今採其文方之往哲未多孫碩膚也

清處士曰曩聞羅山林子攤厥碑碣之膽讀而未畢慨然三嘆曰四裔之濱匪王氣之被而有此等人物有此等文章豪傑俊又何代之為何地無焉嵩岳之神奎星之靈鍾降於海之南乎又聞諸先進曰古者有言秋月壺冰先生之質似之終始惟一先生之學近之

不競不練先生之政準之既老矣宜處禮之權云胡毀以滅性取不勝喪之過乎朱子曰語曰人之過也各於其黨觀過斯知仁矣此觀人之法也夫屈原之忠忠而過者也屈原之過過於忠者也余摹效曰三省之孝孝而過者也三省之過過於孝者也但慊生同地不同時是以不能挹芝眉聆聲歎獨爨上追德化之餘輝爾

兼山傳

兼山姓野中氏諱止字良繼號兼山俗稱傳右衛門
 其先幡州人顯祖主計顯考勘解由邦君忠義侯之
 甥先妣秋田氏舊領本山鄉六十石逮良繼益賜采
 地萬石為上卿秉國均境內生齒日繁殆五十萬口
 故欲充倉廩豐委積以備不虞待驛旅矣深計薄歛
 而足食之術莫先於農務於是闢山野荒蕪障海濱
 廣瀉禹貢引水沃之墾培耜耕累歲而磽确沙漠不
 毛地漸上種藝畝畝既十數萬頃倣古者寓兵於農
 之義伏士畝畝一千餘人教氓男女服其勤令曰執

蠶桑麻桑木綿而勵織紉之事斬材樵薪採薇以轉
 運相交易或栽藥草或育蜜蜂殖權茶之出哀魚鹽
 之利就咸定納貢徵租之制國用自然充足矣考庶
 工之巧拙而稟給稱事料商賈之貧富而假貸協實
 異代以還有賦稅賦塵之法泊是全免其征賦故四
 民僉勉常產以得分願矣經始之大作頗數其尤可
 觀者呂港也呂崎突出海心八十里雄巖危石倚峙
 颶風層瀾怒號檣檝往亡傾摧舟人懼之恰如歷鬼
 門關良繼為氓深患不能舍置且損益而白之朝議

决_ス氣_ヲ冒_シ霧_ヲ露_ヲ衝_キ瘴_ヲ嵐_ヲ遐_ニ趣_シ海_ニ涯_ニ發_シ卒_ニ數_ニ萬_ニ班_ニ隊_ニ伍_ニ而
置_シ督_シ帥_ヲ定_シ區_ヲ畫_シ而_{シテ}供_シ器_ヲ械_ヲ先_ニ欲_シ礙_ヲ灣_ヲ口_ヲ防_シ潮_ヲ而_{シテ}後_ニ底_ニ
載_シ乃_{シテ}立_シ巨_ニ竹_ニ木_ニ為_シ棧_ヲ填_シ以_テ柴_ヲ塊_ヲ造_シ堤_ヲ日_々自_ラ臨_シ察_シ勵_シ
徒_ヲ役_ヲ徒_ヲ役_ヲ捐_シ共_ニ力_ヲ邪_ヲ許_シ穿_シ掘_シ磐_ヲ石_ヲ歲_ニ餘_ニ港_ニ成_シ豁_シ石_ヲ
開_シ方_ヲ鑑_シ徑_ヲ百_ニ丈_ニ深_ニ數_ニ尋_ニ瞰_シ者_ヲ愕_シ謂_シ天_ニ成_シ非_シ人_ノ力_ニ攸_シ克_シ
為_シ也_ヲ猗_シ與_シ偉_シ哉_ヲ度_ニ億_ニ萬_ニ羊_ニ便_シ於_テ海_ニ運_シ救_シ於_テ民_ノ命_ニ也_ヲ斯_ニ
石_ヲ刻_シ其_ノ文_ヲ遺_シ功_ヲ永_ニ彰_シ昔_ニ日_ニ釋_シ空_ノ海_ニ來_シ此_ノ地_ニ刻_シ佛_ノ像_ヲ巖_ニ
滄_ノ海_ノ夕_ニ晴_ニ吐_シ玉_ノ盆_ノ洞_ノ港_ノ擬_シ觀_シ或_レ詩_ニ曰_シ波_ノ濤_ノ濤_ノ曉_ニ起_シ翻_シ銀_ノ屋_ノ
神_ノ島_ノ績_ヲ巖_ノ窟_ノ窩_ノ徒_ニ誌_シ釋_シ見_シ痕_ヲ俾_シ渠_ヲ生_シ中_ニ華_ニ得_シ時_ノ勢_ノ則_シ
庶_ニ乎_ニ分_シ井_ノ地_ヲ設_シ校_ヲ序_ヲ昭_シ三_ニ重_ニ六_ニ府_ニ叙_シ五_ニ典_ニ九_ニ疇_ニ而_{シテ}馴_シ

致_シ乎_ニ禮_ノ樂_ノ文_ノ章_ノ之_レ成_シ盛_ニ歟_ヲ立_シ志_ヲ决_シ可_シ不_シ在_シ漢_ノ唐_ノ之_レ下_ニ也_ヲ
又_シ與_シ隣_ノ壤_ノ郡_ノ牧_ノ豫_ノ州_ノ字_ノ和_ノ城_ノ主有_シ封_シ疆_ノ之_レ論_ヲ各_々自_ラ援_シ證_シ連_シ年_ヲ
不_シ斷_シ良_ニ繼_シ繹_シ舊_ノ紀_ヲ按_シ地_ノ理_ヲ詣_シ東_ノ寰_ヲ而_{シテ}明_シ辨_シ是_レ非_ニ遂_シ捷_シ
復_シ失_シ地_ヲ邦_ノ君_ノ賞_シ其_ノ勞_ヲ賜_シ鄉_ノ士_ノ百_ニ騎_ニ嚮_シ隨_シ朝_ニ覲_シ之_レ武_ノ陵_ニ
侯_ノ伯_ノ或_レ枉_シ駕_ヲ來_シ眄_シ睐_シ其_ノ邸_ヲ禮_ノ大_ノ夫_ノ不_シ敢_シ私_シ觀_シ故_レ侯_ノ伯_ノ來_シ訊_シ禮_ノ遇_シ孔_ノ渥_シ
是_レ以_テ聲_ヲ望_シ敷_シ遍_シ于_テ桑_ノ城_ノ初_シ師_ヲ谷_ノ翁_ノ友_ヲ三_ニ省_ニ子_ヲ以_テ磨_シ精_ヲ
微_シ廓_シ邃_シ蘊_シ每_レ政_ノ事_ノ間_ニ暇_ヲ招_シ書_ノ生_ヲ而_{シテ}講_シ習_シ小_ノ學_ノ四_ノ書_ノ近_シ
思_シ錄_シ讀_シ五_ノ經_ノ既_レ迄_シ春_ノ秋_ノ喜_シ看_シ通_シ鑑_シ綱_ヲ目_ヲ見_シ解_シ瑩_シ徹_シ說_シ
得_シ精_ヲ神_ヲ聽_シ者_ノ心_ヲ了_シ如_シ響_シ歲_ニ亡_シ遣_シ人_ヲ肥_シ之_レ長_ノ崎_ノ買_シ新_ノ渡_ヲ

經鬼日用當佩服之書剞劂而貶學者素好禮謂教訓正俗非禮不備事亡依則禮宜此時儀禮經傳通解未鈔梓繕寫異本校訂舛訛先生嬰孩已孤事母善順承其沒也塋中溜而浴飯含小大歛銘旌飾棺錦褚墻池畫幃置翼設披昧爽祖於庭日出載輦發引及垣柩行觀者滿衢咨嗟流涕返照而詣邑墓壙墳塋誌碑無一而遠禮彌地歸全山居喪三年禮畢建祠堂營精舍文教日阜殷邦人大夫士庶鮮不學者慎追之誠觀感法之國風一變禮俗至今猶存前

是本山溪間石上刻岩小蛇蟄中人皆神而畏避之倏忽化龍雷雨震電乘雲去占者以為文獻亨之兆後津呂洞港成有青龍降碧潭村民得而觀之先生性質英邁威儀孔淑容止儼然進退規矩果處多寬處少才有饒德未勝故三省諫曰公強欲知人而好用明厥照非自然恐入過察夫明者順理先覺之謂猶堯知丹朱之器訟是也察者逆詐億不信之謂猶德宗疑察却為奸佞被罔是也用意公私相去何啻千里書曰任賢勿貳去邪勿疑又曰無替之言勿聽

弗詢之謀勿庸公奚為學談綜核一統業也已須慎
事於始毋貽悔於後三省既卒為無爭友寢安肆且
恃屢植功以至奢靡矣危樓閣宏池園耽歌舞憐風
致侔於管仲三歸反坫之驕又參佐侶以非其器施
為間闕漏與諸大夫有隙寬文癸卯正月闕崔殮於
著室筮之遇乾之夬貞悔共凶迺託病懇乞骸骨投
老中楚之別墅冬十二月己酉夜痰痞喘絕遽捐館
行年四十九聞起遠近僉驚當時不宜據禮速瘞於
潮江山明年甲辰春三月先生三子長曰清叔曰以

父之故逃放宿毛村而家除或曰惜哉兼山剛斷之
氣勇往直前不敢顧傍慮後又靡繾綣鞶寵之意間
有籌機洩彌令差即猶奮龍之擊暴物夫踣亡涼亡
畏首畏尾無得無失者於邦家果何補哉猶吐蚓食
槁壤自足而已以此詆彼所謂斥鷃笑大鵬燕雀不
知鴻鵠之志者也

清處士曰疇昔聽諸長者兼山先生當路於
國咸焚疏稿不顯其諫韞影中楚後蕭索獨
處看楚辭而嬉繫厥志決匪辜忠貞也或論

量酷快豁而未扣兩端余想見其為人大器
包五湖博識吞江河君子言云江河之量亦
大矣然有涯有涯亦有時而滿唯天地之量
則無滿聖人者天地之量也天道虧盈地道
變盈鬼神害盈人道惡盈故盈滿弗覆嗟者
古今希矣唯謙乃益福無凶亨而有終舜謂
禹曰降水做予成允成功惟汝賢克勤于邦
克儉于家不自滿假惟汝賢予懋乃德嘉乃
丕績顏淵曰願無伐善無施勞兼山其有慙

焉夫履貞厲大易之戒也樽節退讓禮經之
訓也兼山其未念歟

內集附錄

篇中諸子非任道而為人師然久游三省兼
山之門闢聽道義豐力力行者也故附焉

尾崎氏

尾崎直重俗稱喜內世仕土陽侯澤厚祿為人謹愿良實
行有裕言常寡鄉邦稱之為善人待物恕寬處事平
易自生至死操如一日少居三省之門與己千子友

貴敬經術勉蹈古禮執三年之喪轉悲愁萬治己亥
秋九月病逝歲既越艾白

岡氏

岡新之俗稱源右衛門先世一縣令之裔時運移換流離落魄為處士自幼岐嶷異于群兒受業時中翁率透經教為廉潔之士孝友之人稟賦素菲賴藥餌保生其早世匪容不謹也既娶生一女子未成千秋萬歲名寂寞身後事其詳見谷氏所撰之墓誌

曾我氏

曾我直之俗稱陸兵衛號晚亭普聽諸先生之誨講小學四書力究家禮葬祭全依禮不敢同流俗寬文丙午秋下世齡可踰知非此翁家嚴之執余髫時見示遜讓曩寓京師驚訃音矣悼曰鶴駕迨亡不可留也今朝得訃痛心頭儀型有典堪私淑交際魯君續舊遊欲束生芻嗟隕露豈因落葉駭深秋聲谷永隔知歸處白玉樓文待爾脩

町氏

町定靜俗稱喜兵衛為入豪宕卓異大志明辨實四方專

對之器也非纖襪樸楸之材也達武備勗文術又陪三省兼山二子之函丈通小學四書近思錄之大義仕當權要司機務居其壑不違朝制越二月就官職歸家素服食凡二十五日南國仕士執事皆如茲兼山沒後坐樹朋黨而黜卜辭故園隱於丹之大江山下變姓小原氏號僖窟子俯讀仰思以尚友古人歡悰自適以舒鬱陶枝棲踰二紀而終天年余不記厥幾壽恐過古稀可三四歲

清處士曰僖窟子獲黨錮之禁不克事列國

輒軻留滯以至謝世雖沒他邦然係鄉州之籍故附內集余在洛每見此老忝被誨喻此人曲識南學之由余向三省兼山之景行躡長澤山崎之遺蹤咸緣此老之說也

芝山會稿

南學上

卷十

芝山會稿南學上

Faint bleed-through text from the reverse side of the page, including characters like '人' and '心'.

